

瑤池金母普渡收圓定慧解脫眞經

天心禪宗 印製

瑤池金母普渡收圓定慧解脫真經

南無瑶池西王金母大天尊



慈音佛 ◎

董雙成仙姑 ◎

慈音佛降

彩雲縹緲出瑤池。

隨駕崑崙任所之。

練就菩提登妙果。

養成舍利說禪詩。

蓮臺座上花千朵。
甘露瓶中柳一枝。
自在觀音觀自在。
婆心度盡眾生癡。

欽奉

瑤池老母普度收圓定慧解脫真經

懿旨 ◎

竊此三期。普度東林。收圓靈性。
度盡坤乾。慨茲世道。遠古易遷。
人心陷溺。多失心田。輪迴無息。
禍難慘纏。人皆佛性。無以回天。
誰知性命。修養周全。說茲定慧。

解脫為先。彩女傳經。慈航念虔。
錫頒一卷。付列七編。神人效命。
惕惕乾乾。書成傳世。福德綿綿。
欽哉勿忽。懿旨宣讀已畢。
神人稽首謝恩。

叩謝母娘宏恩

三稱◎

水讚

楊枝淨水。遍灑三千。性空八德利
人天。福壽廣增延。滅罪消愆。火
焰化紅蓮。

南無清涼地菩薩摩訶薩

三稱 ◎

香讚

香焚寶鼎，炁達先天。威光烜赫接
祥煙。降鑒此心虔。展讀靈篇。擁
護仗雷鞭。

皈命 香林說法大天尊

三稱 ◎

淨壇讚

清淨之水。日月花開。楊柳枝頭灑
塵埃。一滴淨玄壇。除穢除殃。消
災降吉祥。

清泉龍變化淨塵大天尊

三稱◎

淨口神咒

丹朱口神。吐穢除氛。舌神正倫。
通命養神。羅千齒神。卻邪衛真。
喉神虎賁。氣神引津。心神丹元。

令我通真。思神鍊液。道氣長存。
急急如律令。

淨心神咒

太上台星。應化無停。驅邪縛魅。
保命護身。智慧明淨。心神安寧。

三魂永固。魄無喪傾。急急如律令

淨身神咒

靈寶天尊。安慰身形。弟子魂魄。

五臟玄明。青龍白虎。隊仗紛紜。

朱雀玄武。侍衛我真。急急如律令

淨三業神咒

身中諸內境。三萬六千神。動作履
行藏。前劫並後業。願我身自在。
常住三寶中。當於劫壞時。我身常
不滅。誦此真文時。身心口業皆清

淨。急急如律令。

淨壇神咒

太上說法時。金鐘響玉音。百穢藏
九地。郡魔護騫林。天花散法雨。
法鼓振迷沈。諸天賡善哉。金童撫

瑤琴。願傾八霞光。照依皈依心。
早法大法稿。翼侍五雲深。急急如
律令。

安土地神咒

元始安鎮。普告萬靈。嶽瀆真官。

土地祇靈。左社右稷。不得妄驚。
回向正道。內外澄清。各安方位。
備守壇庭。太上有命。搜捕邪精。
護法神王。保衛誦經。皈依大道。
元亨利貞。急急如律令。

淨天地神咒

天地自然。穢氣分散。洞中玄虛。
晃朗太元。八方威神。使我自然。
靈寶符命。普告九天。乾羅答那。
洞罡太玄。斬妖縛邪。度眾萬千。

中山神咒。元始玉文。持誦一遍。
卻病延年。按行五嶽。八海知聞。
魔王束手。侍衛我軒。凶穢消散。
道氣長存。急急如太上老君律令敕

金光神咒

天地玄宗。萬氣本根。廣修萬劫。
證我神通。三界內外。惟道獨尊。
體有金光。覆映吾身。視之不見。
聽之不聞。包羅天地。養育群生。
受持萬遍。身有光明。三界侍衛。

五帝伺迎。萬神朝禮。役使雷霆。
鬼妖喪膽。精怪亡形。內有霹靂。
雷神隱名。洞慧交徹。五氣騰騰。
金光速現。覆護真人。
急急如玉皇上帝律令敕。

祝香神咒

道由心學。心假香傳。香熱玉爐。
心存帝前。真靈下盼。仙旆臨軒。
今臣關告。逕達九天。所祈所願。
咸賜如言。

瑤池金母讚 ◎

瑤池金母。

普偏瀛東測妙機。

勸眾存德學善儀

覺悟懺悔修正果。

慧智貫徹登中池

金筆開科無私曲。

章成耀珠燦鯉魚

全憑道心挽迷路。卷讚團圓樂福基。
逍遙快樂位無極。

皈命

無極瑤池大聖西王金母大天尊

三稱◎

恭請 無極瑤池大聖西王金母寶誥

志心皈命禮。◎

天地開泰。無極聖母。龍華勝會宴。
瑤池。萬靈統御傳教旨。諸仙獻壽。
列聖稱觴。天威咫尺。功高德重。
代燮權衡。仙主道宗。三千侍女。

奏笙簧之天樂。百歲蟠桃。開金碧
之靈園。救眾生之苦難。灑甘露於
塵寰。

大悲大願。大聖大慈。

無極瑤池大聖西王金母大天尊
三稱◎

是時。瑤池金母。在無極光中。命
彩女董雙成仙姑。恭傳經言。金母
曰。自古吾師。玄玄上人。◎傳道於
木公。◎木公傳道於吾。而後口口
相傳。不記文字。而今天開宏道。

普度東林。願世人早求明師。參透
心性。無如紅塵火宅。墮之甚易。
出之甚難。若無慧力。何能解脫。
欲求解脫。先須定慧。時慈航大士
合掌恭敬。而白母言。願母開方便

之門。說解脫之道。眾生之幸則慈航之幸也。爾時。金母慈顏大悅對慈航大士言。爾以大慈心。顯化東土。今以解脫相請。爾其靜聽。吾為宣說普度收圓定慧解脫真經。彼

時天放祥光。彩雲繞戶。鸞鶴侍衛
旌旆佈空。金母乘九鳳之輦。駕五
色之雲。一時三教聖賢。俱來擁護
天花繽紛。仙樂節奏。於是金母悲
憫東林兒女。放無極之光。即於光

中。而宣說曰。天從無極中開。太極日月三台。日月陰陽運轉。人從陰陽胚胎。或為男兮為女。皆從無極而來。只為中間一動。霎時落下塵埃。墜入五濁惡世。貪戀酒色氣

財。因此輪迴旋轉。情波慾海生災
血水週流可愍。尸骸遺脫堪哀。老
母說經至此。婆心慈淚頻催。爾時
慈航尊者。合掌恭敬而請曰。弟子
聞母金言。無極既生太極。兩儀又

分三家。萬物由此而生。又復由此而滅。何不令其不生不滅。以免血流滿地。骨脫如山。豈不甚幸。金母曰。太極分判。天地生物之心也。血流滿地。骨脫如山。萬物自作之。

孽也。爾今問此。但有不生不滅之道。而無不生不滅之理。爾時慈航尊者長跪座前。敢請宣說不生不滅之道。金母撫膺良久曰。居吾語汝道者。反本之用也。萬物皆有本。

由本而生枝。由枝而生葉。由葉而生花。由花而結果。人與萬物不同質。而同理也。本立則根生。根生枝葉茂。本枯則根朽。根朽枝葉零。是以修道固本。固本者何。人以孝

悌為本。道以精神為本。孝悌立。
而人無愧。精神足。而道可修。修
道無他。還全本來面目而已。精神
從何處散出。還從何處收來。慈航
尊者。聞母所言。心中大悟。又復

稽首請曰。弟子緣深。幸蒙闡明道
果。敢叩慈悲。再示解脫之道。可
乎。金母曰。

解脫非難。難在定慧。身心大定。
便生智慧。智慧既生。解脫亦易。

欲明解脫。先除六賊。耳不聽聲。
目不視色。身不觸污。意不著物。
鼻不妄嗅。口不貪食。六賊既空。
五蘊自明。受想行識。如鏡見形。
五蘊既明。三家會合。精氣與神。

長養活潑。上下流通。何難解脫。
慈航尊者。聞聽母言。心中朗悟。
稽首金容。而作頌曰。
自從無極生太極。或為人兮或為物
輪迴生死幾千遭。墜落由來難解脫

不識固本而修身。又如樹枯無枝葉
瑤池老母發慈悲。親駕白雲賦貝葉
先言道果合三家。後說智慧須定力
六賊掃除五蘊空。返本還原為上著
瑤池侍駕彩女仙姑頌曰。

慈航道人。大慈悲。至三再四。求解脫。
荷蒙金母說分明。指破天機真妙訣。
大成至聖興儒治世天尊頌曰。
人以孝悌為根本。道以精神為妙藥。
本立而后道自生。成仙成佛憑人作。

太上老君掌教天尊頌曰。

恰如久病遇良醫。又如青天現白鶴
拳拳服膺朝五炁。三花聚頂能脫殼
釋迦牟尼古佛天尊頌曰。
老母真言不忍秘。句句都是波羅蜜

解脫定慧大工夫。留與眾生作舟楫
眾聖賡頌已畢。老母說經方完。彩
女侍衛。鑾駕騰空。時三教聖賢。
十方諸佛。頂禮恭敬。信受奉行。
流傳此經度世。收圓定慧。紅塵兒

女。早夜誦念。即口應心。心心
朝。老母自派護衛神祇擁護。
身無魔考。家有平安。國有清泰。
日念此經。保護安寧。夜念此經。
夢裡無驚。行念此經。土地衛靈。

舟車念此經。旅途保長亨。

念念皆清吉。口口盡超昇。

瑤池金母普度收圓定慧解脫真經終

天上老母下凡來。指示龍華將要開

諸佛皆累奔波苦。只為愛子上蓮台。
修圓值此好時機。恩赦有旨開便宜。
慈舟到前不登楫。看汝留戀到何時。
契子不必再遲疑。得到瑤京便得知。
一旦慈航離岸去。千載難逢悔莫追。

爾今來堂是何因。碌碌忙忙走不停。
份外祈求未得應。只有善緣方稱心。
今來要說有緣人。求脫須當把堅誠。
不惜私財常救急。融和鄰里人人欽。
上蒼有眼作證明。到處佈滿週遊神。

詳察五蘊去六賊。心存信義侍孝親。
母娘慈悲賜福音。客子個個要勤誠。
訓練成績分遲早。爾時就能得應心。
來堂豈非向神仙。入到母門不等閑。
功果圓滿揮法寶。齊力通神挽回天。

燃燈古佛說緣因。修煉不計年月深。
玉露撒下殘零客。心存學道即孝親。
夕陽西墜推人歸。玉兔抬頭照水流。
荏苒如梭人快老。未如心愿白了頭。
心如旭日望東昇。未達初衷又西沉。

細思計較有萬貫。到頭隨身幾多斤
寺堂方便門常開。解脫凡擔緊進來
多結善緣多結果。慈心施捨不為呆
今來試看眾心中。到底仰母有幾分
信疑參半諒不少。如何可得世人宗

再來試問眾如何。得識母意有幾多。
欲渡無知登極樂。到處神仙在奔波。
慈母思子何時休。酒色貪戀不覺羞。
自別不計回轉日。本來面目一齊丟。
求財不厭又再求。常把玉淚暗推流。

失卻理智為得意。沉迷污域不回頭
回頭便得遇光明。捨卻紅塵不了姻
看破凡間皆孽債。及早覺路拜悟真
悟真有意總無難。必須心內有耐堅
到處神仙候接引。奈何世人不向前

向前求道得望家。客子相似雨摧花。
墜落結果由堅定。修圓不容亂交加。
不記來宅在何方。久涉寰塵已背忘。
吐出真言不肯信。老母時刻泣雲端。
母在雲霄候兒歸。叮囑眾仙致力推。

到處神佛在設法。壇堂寺廟顯靈威。
聖賢菩薩總臨凡。為著渡世苦千般。
備至真言把筆降。指示明路趕早行。
欣從明路能動天。解除災厄消冤愆。
是非莫說宜守己。一團和氣保延年。

煉身健體堪為先。高去高來誰不羨。
鍛就金剛不壞體。騰空渡世上陽山。
母創陽山費心謀。移植仙果設機構。
牧畜而備耕耘載。仙草花檣架樑橋。
五種傳來各項全。仙鶴飛禽滿稠養。

件件皆備無點缺。有緣便可享無疆

七佛滅罪真言

離婆離婆帝。求訶求訶帝。陀羅尼
帝。尼訶囉帝。毗黎尼帝。摩訶伽
帝。真靈乾帝。梭哈

三遍

太上清靜經

老君曰。

大道無形。生育天地。大道無情。
運行日月。大道無名。長養萬物。
吾不知其名。強名曰道。夫道者。

有清有濁。有動有靜。天清地濁。
天動地靜。男清女濁。男動女靜。
降本流末。而生萬物。清者濁之源
動者靜之基。人能常清靜。天地悉
皆歸。夫。人神好清。而心擾之。

人心好靜。而慾牽之。常能遣其慾
而心自靜。澄其心。而神自清。自
然六慾不生。三毒消滅。所以不能
者。為心未澄。慾未遣也。能遣之
者。

內觀其心。心無其心。外觀其形。物無其物。
遠觀其物。物無其物。觀空亦空。無無亦無。
三者既悟。唯見於空。湛然常寂。寂無所寂。
空無所空。所空既無。無無所寂。寂無所寂。
無無既無。湛然常寂。寂無所寂。

慾豈能生。慾既不生。即是真靜。
真常應物。真常得性。常應常靜。
常清靜矣。如此清靜。漸入真道。
既入真道。名為得道。雖名得道。
實無所得。為化眾生。名為得道。

能悟之者。可傳聖道。

老君曰。

上士無爭。下士好爭。上德不德。

下德執德。執著之者。不明道德。

眾生所以不得真道者。為有妄心。

既有安心。即驚其神。既驚其神。
即著萬物。既著萬物。即生貪求。
既生貪求。即是煩惱。煩惱妄想。
憂苦身心。便遭濁辱。流浪生死。
常沉苦海。永失真道。真常之道。

悟者自得。得悟道者。常清靜矣。

南無 太上老君道德天尊

三稱 ◎

迴向偈

願消三障諸煩惱。願得智慧真明了。
普願災障悉消除。世世常行菩薩道。

南無大悲觀世音菩薩



